


tia maximi circuli  $DE$ , & completis quadrantibus  $CAD$  &  $CBE$ , producantur  $AB$  &  $DE$ , donec se inuicem secant in  $F$  signo. Erit ergo uicissim in  $F$  polus ipsius  $CAD$ , eo quod circa  $A$  &  $D$  sunt anguli recti. Et quoniam si in sphaera maximi orbis ad rectos sese inuicem secuerint angulos, bifariam & per polos se inuicem secant.



Sunt ergo &  $ABF$  &  $DEF$  quadrantes circulatorum, cumque data sit  $AB$ , datur & reliqua quadrantis  $BF$ , & angulus  $EBF$  ad uerticem ipsi  $ABC$  dato aequalis. Sed per praecedentem demonstrationem subtensa dupli  $BF$  ad subtendentem dupli  $EF$ , est sicut dimeti-

ens sphaerae ad subtendentem duplum anguli  $EBF$ . Sed tres earum datae sunt, dimetiens sphaerae, dupla  $BF$ , atque anguli dupli  $EBF$ , siue semisses ipsorum. Datur ergo per XVI sexti Euclidis etiam dimidia subtendentis duplam  $EF$  per canonem ipsa  $EF$  circumferentia, & reliqua quadrantis  $DE$ , siue angulus  $C$  quaesitus. Eodem modo ac uicissim sunt subtensa duplicium  $DE$  ad  $AB$ , &  $EBC$  ad  $CB$ . Sed tres iam datae sunt  $DE$ ,  $AB$ , &  $EBC$  quadrantis circuli, datur ergo & quarta subtendens duplum  $CB$ , & ipsum latus  $CB$  quaesitum. Et quoniam subtensa duplicium sunt ipsorum  $CB$  ad  $CA$ , &  $BF$  ad  $EF$ : quoniam utrorumque sunt rationes sicuti dimetientis sphaerae ad subtensam duplo  $CB$  angulo, & quae uni eadem sunt rationes, sibi inuicem sunt eadem. Tribus iam igitur datis  $BF$ ,  $EF$ , &  $CB$ , datur quarta  $CA$ , & ipsum  $CA$  tertium latus trianguli  $ABC$ . Sit iam  $AC$  latus assumptum in datis, propositumque sit inuenire  $AB$  &  $BC$  latera, cum reliquo angulo  $C$ , habebit rursum permutatim subtensa dupli  $CA$  ad subtensam dupli  $CB$  eandem rationem, quam subtendens duplum  $ABC$  angulum ad dimetientem, quibus  $CB$  latus datur, & reliqua  $AD$  &  $BE$  ex quadrantibus circulatorum. Ita rursus habebimus ut subtensam dupli  $AD$  ad subtensam dupli  $BE$ , sic subtensam dupli  $AB$ , & est dimetiens, ad subtensam dupli  $BF$ . Datur ergo  $BF$  circumferentia, quodque superest  $AB$  latus. Simili ratiocinatione ut in praecedentibus ex subtendentibus dupla  $BC$ ,  $AB$ , &  $FBE$ , datur subtensa dupli  $DE$ , siue angulus  $C$  reliquus. Porro si  $BC$  fuerit in assumpto, dabitur rursus ut antea  $AC$ , & reliqua  $AD$  &  $BE$ , quibus per subtensas

rectas

rectas lineas, & diametro, ut sepe dictum, datur  $BF$  circumferentia, & reliquum  $AB$  latus, ac subinde iuxta praecedens Theorema, per  $BC$ ,  $AB$ , &  $CBE$  datas proditur  $ED$  circumferentia, angulus uidelicet  $C$  reliquus, quem quaerebamus. Sicque rursus in triangulo  $ABC$  duobus angulis  $A$  &  $B$ , datis, quorum  $A$  rectus existit cum aliquo trium laterum datus est angulus tertius cum reliquis duobus lateribus, quod erat demonstrandum.


V.

**T**rianguli datorum angulorum, quorum aliquis rectus fuerit, dantur latera. Manente adhuc praecedente figura, ubi propter angulum  $C$  datum, datur  $DE$  circumferentia, & reliqua  $EF$  ex quadrante circuli. Et quoniam  $BEF$  est angulus rectus, eo quod  $BE$  descendit a polo ipsius  $DEF$ , & qui sub  $BEF$  angulus, est ad uerticem dato. Triangulum igitur  $BEF$  rectum angulum  $E$  habens, & insuper  $B$  datum cum latere  $EF$ , datorum est angulorum & laterum per Theorema praecedens, datur ergo  $BF$ , & reliqua ex quadrante  $AB$ , ac itidem in triangulo  $ABC$  reliqua latera  $AC$  &  $BC$  dari per praecedentia demonstratur.

VI.

**S**i in eadem sphaera bina triangula rectum angulum, ac insuper alium aequalem habuerint, alterum alteri, unumque latus uni lateri aequale: siue quod aequalibus adiacet angulis: siue quod alterutro aequalium angulorum opponitur, reliqua quoque latera, reliquis lateribus, aequalia alterum alteri, ac angulum angulum angulo, reliquum reliquo aequalem habebunt.

Sit hemisphaerium  $ABC$ , in quo suscipiantur bina triangula  $ABD$  &  $CEF$ , quorum anguli  $A$  &  $C$  sint recti, & praeterea angulus  $ADB$  aequalis ipsi  $CEF$ , unumque latus uni lateri, & primum quod aequalibus ipsis adiacet angulis, hoc est,  $AD$  ipsi  $CE$ . Aio latus quoque  $AB$  lateri  $CF$ , &  $BD$  ipsi  $EF$ , ac reliquum angulum  $ABD$  reliquo  $CEF$ , esse aequalia. Sumptis enim in  $B$  &  $F$  polis, describantur maximorum circulorum quadrantes  $GHI$  &  $IKL$ , compleanturque  $ADI$  &  $CEI$ , quos se inuicem secare necesse est in polo hemisphaerii, qui sit in  $I$  signo, eo quod



f in

anguli